

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
GRAD SARAJEVO  
OPĆINA NOVI GRAD SARAJEVO  
OPĆINSKI NAČELNIK

Broj: 02/12-23-5847/19  
Sarajevo, 06.05.2019.godine

Na temelju člana 25.,70. i 123. stav 1) i 2) Zakona o javnim nabavkama ("Službeni glasnik BiH", broj 39/14) i člana 14. Pravilnika o nabavci roba, vršenju usluga i ustupanju radova broj 09-05-26263/15 od 27.11.2015.godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/125-05-10708/18 od 16.05.2018.godine, Pravilnikom o uslovima i načinu korištenja E-aukcije ("Službeni glasnik BiH 66/16), a na preporuku Komisije za javnu nabavku radova - putem otvorenog postupka, Općinski načelnik d o n o s i:

## **O D L U K U**

### **o izboru najpovoljnijeg ponuđača u predmetu - Izvođenje radova na regulaciji vodotoka "Duboki potok" u naselju Bojnik**

#### I

Prihvata se preporuka Komisije za javnu nabavku radova i ugovor za javnu nabavku u predmetu - Izvođenje radova na regulaciji vodotoka "Duboki potok" u naselju Bojnik, (otvoreni postupak broj obavještenja broj obavještenja 422-1-3-75-3-35/19 objavljen u Službenom glasniku br. 22/19 dana 22.03.2019.godine i na Portalu javnih nabavki Agencije za javne nabavke BiH dana 20.03.2019.godine), dodjeljuje se ponuđaču HARYSCO doo Sarajevo, čija ukupna cijena za ugovor, nakon provedene e-aukciji iznosi 165.000,00 KM, odnosno 193.050,00 KM sa uračunatim PDV-om.

#### II

Otvaranje i analizu ponuda provela je Komisija za javnu nabavku radova (u daljem tekstu: Komisija), u skladu sa odredbama Zakona o javnim nabavkama. Zapisnik sa otvaranja ponuda i Zapisnik o pregledu i ocjeni ponuda Komisije za javnu nabavku radova sa preporukom za dodjelu ugovora u spis.

#### III

Zadužuje se Služba za zajedničke poslove, da ovu Odluku objavi na web stranici Općine [www.novigradsarajevo.ba](http://www.novigradsarajevo.ba), istovremeno sa upućivanjem iste ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama, te nakon isteka žalbenog roka pripremi ugovor i dostavi Općinskom načelniku na potpis.

#### IV

Obavezuje se ponuđač iz člana I ove Odluke da u roku od 5 (pet) dana od zaprimanja iste, dostavi dokumente navedene u podtački 3.1.3. tenderske dokumentacije, koji se odnose na član 45. stav 2. tačka od a) do d) Zakona. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.

*Konstatujemo da je ponuđač iz tačke I ove Odluke dostavio dokumente tražene u podtački 3.3. tenderske dokumentacije koja se odnosi na ekonomsku i finansijsku sposobnost, te se oslobađaju naknadnog dostavljanja istih.*

## Obrazloženje

Postupak javne nabavke pokrenut je Odlukom o pokretanju postupka javne nabavke u predmetu Izvođenje radova na regulaciji vodotoka "Duboki potok" u naselju Bojnik, br. 02/12-23-5847/19 od 14.03.2019.godine. Procjenjena vrijednost za predmetnu nabavku iznosi 211.000,00 KM bez PDV-a i 246.870,00 KM sa PDV-om. Javna nabavka provedena je putem otvorenog postupka za dostavu ponuda br. obavještenja 422-1-3-75-3-35/19 objavljen u Službenom glasniku br. 22/19 dana 22.03.2019.godine i na Portalu javnih nabavki Agencije za javne nabavke BiH dana 20.03.2019.godine.

Zapisnikom sa otvaranja ponuda od 11.04.2019.godine Komisija je utvrdila je da je u ostavljenom krajnjem roku za otvaranje ponuda, blagovremeno i propisno upakovane dostavljeno šest (6) ponuda i to od sljedećih ponuđača: Špic beton doo Zenica, Harysco doo Sarajevo, Bujice doo Konjic, Grupa ponuđača:"Manjo doo Sarajevo i Bosman doo Sarajevo", Mibral doo Sarajevo i Agi doo Konjic. Zapisnik sa otvaranja ponuda dostavljen ponuđačima na fax.

Nakon što je Komisija utvrdila da je dostavljeno šest (6) ponuda, pristupila je analizi i procjeni dokumentacije, kojom su ponuđači dokazali svoje kvalifikacije za učešće u ovom postupku, te utvrdila sve zaprimljene ponude ispunjavaju formalno-pravne i kvalifikacione uslove navedene u tenderskoj dokumentaciji. Komisija je izvršila računsku kontrolu i utvrdila da su zaprimljene ponude i računski ispravne.

Nakon gore izvršenih provjera, Komisija je utvrdila preliminarnu rang listu prihvatljivih ponuda sa ponuđenim cijenama za ugovor, koja izgleda ovako:

1. Grupa ponuđača:"Manjo doo Sarajevo i Bosman doo Sarajevo".....cijena 206.494,49 KM bez PDV-a, odnosno 241.598,55 KM sa PDV-om
2. Bujice doo Konjic.....cijena 208.860,73 KM bez PDV-a, odnosno 244.367,05 KM sa PDV-om
3. Mibral doo Sarajevo.....cijena 210.491,71 KM bez PDV-a, odnosno 246.275,30 KM sa PDV-om
4. Harysco doo Sarajevo.....cijena 211.197,74 KM bez PDV-a, odnosno 247.101,36 KM sa PDV-om
5. Agi doo Konjic.....cijena 210.896,41 KM bez PDV-a, odnosno 246.748,80 KM sa PDV-om
6. Špic beton doo Zenica.....cijena 231.937,75 KM bez PDV-a, odnosno 271.367,17 KM sa PDV-om

Ponuđači koji žele ostvariti pravo na primjenu preferencijalnog tretmana, isti dokazuju Izjavom ponuđača iz Obrasca za ponudu datom u Aneksa II tenderske dokumentacije (zaokružena opcija). Iz Zapisnika Komisije vidljivo je da ponuđač Agi doo Konjic, ne ispunjava uslove za primjenu preferencijalnog tretmana domaćeg, jer nije zaokružio ponuđenu opciju u Aneksu II-Izjava ponuđača tačka 6. U vezi sa primjenom Odluke o obaveznoj primjeni preferencijalnog tretmana domaćeg (Službeni glasnik BiH br. 86/16) član 1. stav b) podstav 3), Komisija je izvršila poređenje ponuda, sa tim da na ponudu Agi doo Konjic nije primjenjen preferencijalni tretman domaćeg.

Na osnovu tačke 1.5. podtačka 1.5.5. tenderske dokumentacije, kojom je predviđeno provođenje e-aukcije, a u skladu sa Pravilnikom o uslovima i načinu korištenja E-aukcije ("Službeni glasnik 66/16), zakazano je održavanje e-aukcije na Portalu javnih nabavki, dana 26.04.2019.godine sa početkom u 14:00 sati i predviđenim trajanjem iste od 10 minuta. Nakon okončane e-aukcije za predmetnu nabavku, a na osnovu dobivenog „Izvještaja o toku i završetku e-aukcije“, Komisija je utvrdila da konačna rang lista izgleda ovako:

1. Harysco doo Sarajevo.....cijena bez PDV-a iznosi 165.000,00 KM, ili 193.050,00 KM sa PDV-om
2. Grupa ponuđača:"Manjo doo Sarajevo i Bosman doo Sarajevo".....cijena bez PDV-a iznosi 167.000,00 KM, ili 195.390,00 KM sa PDV-om
3. Bujice doo Konjic.....cijena bez PDV-a iznosi 178.088,88 KM ili 208.363,98 KM sa PDV-om
4. Agi doo Konjic.....cijena bez PDV-a iznosi 178.682,00 KM ili 209.057,94 KM saPDV-om
5. Mibral doo Sarajevo.....cijena bez PDV-a iznosi 193.000,00 KM ili 225.810,00 KM saPDV-om
6. Špic beton doo Zenica.....cijena bez PDV-a iznosi 231.937,75 KM ili 271.367,17 KM saPDV-om

Shodno članu 64. Zakona stav b) - kriterij najniža cijena (tačka 5.1. tenderske dokumentacije) Komisija je, ponudu ponuđača Harysco doo Sarajevo ocjenila kao najpovoljniju.

Uzevši u obzir da je Komisija u cijelosti pravilno postupila i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cjelosti se prihvata Zapisnik o pregledu i ocjeni ponuda i preporuka Komisije za dodjelu ugovora i Izvještaj o toku i završetku e-aukcije. Na osnovu gore navedenog, odlučeno je kao u dispozitivu Odluke.

### **Pouka o pravnom lijeku**

Ponuđač/i koji su sudjelovali u ovom postupku mogu radi zaštite svojih prava i pravnih interesa, izjaviti žalbu ugovornom organu u roku od 10 dana od prijema pismene obavijesti (Odluke) o izboru najpovoljnijeg ponuđača. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila,  
Enisa Babić, dipl. pravnik

- Dostaviti:
1. Ponuđaču/ima- učesniku/icima postupka
  2. Služba za zajedničke poslove
  3. A r h i v i / u spis

